



JULIA AMERUDDIN perlukan tongkat untuk berjalan.



JULIA AMERUDDIN menunjukkan gambar mesin bantuan pernafasan Bipap yang diperlukannya.

Bergantung hidup dengan tiub

SETAKAT ini, sudah 95 kali saya bergantung hidup dengan ventilator di ICU (Unit Jagaan Rapi) Hospital Kuala Lumpur (HKL), selama lebih kurang lapan tahun diserang penyakit ini. Alhamdulillah, umur saya masih panjang ujar Julia Ameruddin, 32.

Biarpun agak tergamam mendengar pengakuan wanita yang keletah dan peramah itu, namun melihat kepada semangat juangnya yang kental untuk menepuh hidup, menimbulkan rasa kekaguman.

Julia yang merupakan penuntut Universiti Malaysia Pahang (UMP), ketika ditemui di rumahnya di PPR Batu Muda, Kuala Lumpur memberitahu, sejak dia menderita penyakit asma kronik yang dikenal sebagai *Brittle Bronchial Asthma* yang dialami sejak 2010, hospital telah menjadi rumah utamanya.

Kali pertama mengalami penyakit itu, dia terpaksa ditahan di dalam ward, selama dua tahun untuk menjalani rawatan dan memerlukan tiub pernafasan untuk bernafas.

Ketika itu dia juga tidak boleh bergerak kerana mengalami bengkok kaki akibat darah beku pada bahagian itu mungkin disebabkan simptom kesukaran bernafas yang dialami.

Kisah masyarakat

Oleh ROSMAH DAIN
rosmah.dain@
utusan.com.my



Akhirnya setelah menjalani sesi fisioterapi dari 2012 hingga 2013, dia akhirnya dapat bergerak kembali.

"Akibat penyakit ini saya asyik berada di hospital. Kadang-kadang seminggu sahaja saya berada di rumah, sebelum dimasukkan ke hospital semula untuk jalani rawatan. Adakalanya saya terpaksa berada di hospital selama sebulan atau lebih. Ini menyebabkan pengajian di universiti terganggu," katanya.

Ber cerita bagaimana penyakit ini mula menimpa dirinya, Julia memberitahu, sebelum ini dia langsung tidak berhadapan dengan masalah semput atau asma, ketika itu dia masih dalam pengajian di peringkat diploma di Universiti Kuala Lumpur (UMKL) pada 2006, apabila diserang demam, batuk dan selesema berpanjangan.

Apabila berjumpa doktor, penyakitnya itu didapati sudah pun melarat.

Julia berkata, lazimnya pesakit asma seperti ini



apabila menggunakan *inhaler* atau mendapatkan bantuan oksigen di klinik-klinik biasa, sudah boleh melegakan, tetapi dia sebaliknya apabila perlu menggunakan tiub pernafasan untuk bernafas setiap ketika.

Wanita ini mengakui, penyakit yang dialami memerlukan penggunaan tiub oksigen sepanjang masa. Selain ini, dia menggunakan mesin bantuan pernafasan Terapi Oksigen Jangka Pandang (LTOT), yang berfungsi menggunakan bateri dengan saiznya yang agak kecil.

Namun lama-kelamaan, mesin ini tidak lagi mampu menyediakan bekalan oksigen

“ Saya perlukan mesin ini dengan segera kerana keadaan kesihatan yang tidak lagi menentu membuatkan saya semakin sukar untuk bernafas. Mesin Bipap ini memudahkan saya untuk membawanya ke mana-mana (*portable*)”

yang mencukupi kerana keadaan kesihatannya yang semakin parah.

Julia kini memerlukan sebuah tabung bekalan oksigen yang lebih berpanjangan dinamakan mesin pernafasan Tekanan Udara Positif Dihalau (Bipap) berharga RM26,500.

Dia turut memulihkan surat sokongan HKL, Tertulis pada surat berkenaan, selain menderita *Brittle Bronchial Asthma* dengan sejarah kemastikan ke ICU, dia juga dihasikan sebagai penghidap *Osteopenia secondary to steroid, adrenal insufficiency, paru-paru kronik dan hypercapnia*.

"Saya perlukan mesin ini

dengan segera kerana keadaan kesihatan yang tidak lagi menentu membuatkan saya semakin sukar untuk bernafas. Mesin Bipap ini memudahkan saya membawanya ke mana-mana (*portable*).

"Saya amat memerlukan peralatan ini untuk menambah baik dan memulihkan kualiti hidup saya semula," rayunya yang merupakan anak sulung daripada lima orang adik-beradik.

Julia memberitahu, dengan keadaan dirinya yang masih menentu, menginap di rumah sewa, ibu yang tidak bekerja dan pendapatan bapa sekitar RM1,500 sebagai pembantu kedai makan, dia berharap agar ada pembaca yang sudi untuk menyumbang bantuan bagi membolehkan dia membeli mesin itu.

Setakat ini, dia turut menerima bantuan bulanan dari Jabatan Kebajikan Masyarakat (JKM) dan UMP, serta pemegang kad OKU (orang kurang upaya).

"Saya memang perlukan mesin ini. Sekarang ini tubuh saya pun sudah alah dengan ubat, tulang pun sudah mulai reput," katanya searah berselor.

Sumbangan boleh diberikan kepada Julia Ameruddin:

1643 3331 9073 (Maybank)

atau

7000 2154 27 (CIMB).